

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog konkurentskog zahtjeva za javnu nabavku usluga – Održavanje sistema tehničke zaštite, objavljenog na web portalu Agencije za javne nabavke dana 12.03.2020. godine, zaključen je

## OKVIRNI SPORAZUM

Između:

**Javna ustanova Opća bolnica „Prim. dr. Abdulah Nakaš“,**

Ul. Kranjčevićeva broj 12, 71000 Sarajevo,  
koju zastupa direktor prim. dr Zlatko Kravić  
Identifikacijski broj: 4200288400001,  
(u daljem tekstu: Kupac)

i

**„SARAMERC“ d.o.o. Sarajevo,**

Sjedište: Dajanli Ibrahim bega broj 21, Sarajevo,  
koga zastupa Direktor Huso Sarić, dipl.ecc.,  
Identifikacioni broj: 4200340170001  
PDV broj: 200340170001  
Transakcijski račun: 1602000000781843  
Naziv banke: Vakufska banka d.d.  
(u daljem tekstu: Dobavljač),

## PREDMET OKVIRNOG SPORAZUMA

### Član 1.

Predmet Okvirnog sporazuma je nabavka roba: usluga: Održavanje sistema tehničke zaštite – LOT 2 – Održavanje sistema kontrole pristupa i evidencije radnog vremena prema ponudi broj: 0103/20 od 23.03.2020. godine, a na osnovu Odluke o izboru najpovoljnijeg ponuđača broj 1889-12/20 od 29.04.2020.godine.

Ponuda sa specifikacijom roba broj: 0103/20 od 23.03.2020. godine i dokumentacija dostavljena po predmetnoj nabavci sastavni su dio ovog sporazuma,

dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po konkurentskom zahtjevu za dostavu ponuda broj JN-15/20.

Na osnovu provedenog postupka okvirni sporazum se zaključuje sa jednim ponuđačem.

## **Član 2.**

Okvirni sporazum (u daljem tekstu: sporazum) se zaključuje na period od 1 (jedne) godine i traje do isteka sporazuma odnosno do utrošene maksimalne finansijske vrijednosti za lot:

1. LOT 2 – Održavanje sistema kontrole pristupa i evidencije radnog vremena

Cijena koju će Naručilac isplatiti Dobavljaču za usluge iz člana 1. Okvirnog sporazuma iznosi:

- Cijena bez PDV-a: 20.000,00 KM;
- Porez na dodanu vrijednost (PDV 17%) = 3.400,00 KM;
- UKUPNA VRIJEDNOST / CIJENA sa PDV-om = 23.400,00 KM  
(slovima: dvadesettrihiljadečetiristotine i 00/100 KM).

Finansijska Sredstva za predmetnu nabavku obezbjeđenja su na osnovu Plana nabavki za 2020. godinu broj 43-22/20 od 29.01.2020. godine (stavka 165.).

Za vrijeme trajanja sporazuma predviđa se sklapanje ugovora o javnoj nabavci predmetnih roba po lotu po nepromijenjenim uslovima sa dobavljačem kojem se dodjeljuje ugovor u skladu sa članom 4. Okvirnog sporazuma iz oblasti nabavke predmetnih roba.

## **Član 3.**

Ovaj okvirni sporazum ne predstavlja obavezu Kupca na kupovinu robe od Dobavljača, već predstavlja osnovu za zaključenje pojedinačnih ugovora u toku trajanja okvirnog sporazuma.

Tokom trajanja ovog Okvirnog sporazuma Kupac će zaključivati pojedinačne ugovore u skladu sa raspoloživim finansijskim sredstvima i potrebama Kupca.

Zaključenjem pojedinačnog ugovora sa Dobavljačem, nastaje obaveza za isporuku robe.

## **Član 4.**

Strane u sporazumu zaključit će pojedinačni ugovor istovremeno sa zaključivanjem ovog sporazuma, a nakon provedenog postupka javne nabavke.

Količine usluga iz Obrasca za cijenu ponude nisu obavezujuće za ugovorni organ.

Cijene usluga iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem konkurentskog zahtjeva, tenderskoj dokumentaciji, ugovoru o javnoj nabavci usluga i ponudi Dobavljača.

## **Član 5.**

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Naručilac može raskinuti ovaj Okvirni sporazum u slučaju:

- da dobavljač kojem je ponuđeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora

- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

#### Član 6.

Na pitanja koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima, kao i ostali propisi koji regulišu predmetnu materiju.

#### Član 7.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Sastavni dio ovog sporazuma je specifikacija usluga i ponuda broj 0103/20 od 23.03.2020. godine.

#### Član 8.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je sud u Sarajevu.

#### Član 9.

Sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Dobavljač:  
**SARAMERC d.o.o. Sarajevo**


DIREKTOR  
*Huso Sarić, dipl.ecc.*



Broj: 2/05/20  
Sarajevo, 21.05.2020

Naručilac:  
**Javna ustanova Opća bolnica  
„Prim.dr Abdulah Nakaš“**

DIREKTOR  
*Prim.dr. Zlatko Kravić*



Broj: 1889-16/20  
Sarajevo, 20.05.2020. godine

